

## **Igl meis da schaner 2016 ò la suprastanza communal tracto tranter oter igls suandonts affars:**

### **Lubientschas:**

- Lubientscha da biagier a Katrin e Michael Schauburger per annexa tar sauna a Salouf, parc. nr. 172, Pulens.
- Lubientscha da biagier ad Adolf Sonder per sanaziun digl tetg dalla clavadeira a Salouf, parc. nr. 95, Veia Mezvei.
- Lubientscha da biagier a René Demarmels per lobia a Salouf, parc. nr. 162, Veia principala.
- Lubientscha da biagier a Barbara Waldis per angrondamaint dalla lobia a Riom, parc. nr. 70, Plaz.
- Lubientscha da biagier a Paolo Giuriani per diversas annexas e midadas da fatscheda e digl tetg a Riom, parc. nr. 27, Veia Dual.
- Lubientscha da biagier a cumegn politic da Surses per balustrada agl meir da santieri a Paronz, parc. nr. 141, Mezvei.
- Lubientscha da biagier a Swisscom per ramplazzamaint antenna a Rona, parc. nr. 1070, Ruegna.

### **Ulteriours affars:**

- Elecziun digl biro da geometer Grünenfelder + Partner SA da Domat scu geometer pigl cumegn da Surses.
- Fixo igl biro electoral communal per las elecziuns e votaziuns cantunalas e federalas digl 2016.
- Sancziuno igl inserat per ena piazza da selvicultour e fixo la procedura da publicaziun.
- Decidia da betg ple utilizar las tgaschas da brevs dallas anteriouras canzleias communalas per elecziuns e votaziuns. Las tgaschas da brevs an dumonda niron saradas.
- Approvo ena convagnientscha cun la Sieranza d'edifezis digl Grischun pertutgont las controllas da protecziun cunter incendis.
- Consantia alla dumonda dalla Swisscom d'allontanar la cabina da telefon publica dalla Swisscom a Savognin, parc. nr. 3051, Son Mitgel.
- Concedia en credit per spustar e sanar la staziun da transformaziun "Valira" a Tinizong an connex cugl project dalla "La Scuntrada".
- Approvo igl urden da speisas digl persunal digl cumegn da Surses.
- Piglia cunaschientscha an moda affirmativa digl urden da disciplina dalla scola Surses.
- Concedia en credit per installar ena pitga da reclama "Cumegn da Surses" tar l'insla da traffic davant la tga communal a Tinizong.
- Prolungo igls contracts davart la gestiun dallas datas d'energeia EDM digls anteriours cumegns cun las Ovras electricas digl martgea da Turitg OET/EWZ anfignen igls 31 da december 2016.